

Parare Domino Plebem Perfectam

A lokisetse Morena Sechaba se phethehileng (Luka 1,17)

Moeletsi oa Basotho

www.moeletsoabasotho.co.ls

Tlhopho-Bocha e sututsa 'muso



2

Bookameli bo tšosa batšoarua

7



Lihoai li nonyetsoa ke sekiri

8



LE FETOHA LEKUMANANE

3

20 YEARS
1824-2024
BASOTHO

KETEKELO EA LILEMO TSE MAKHOLO A MABELI SECHABA SA BASOTHO SE THEHILOE

MOELETSI

Ha e-s'o lale

Mekhatlo e sututsa 'muso

Naha ea Lesotho e ile ea bontša tsoeliso ea Litokelo tsa Mantlha tsa Botho tseo e li tekenetseng machabeng, nakong eo e ne e theha komisi ea liphuputso mabapi le litlhokofatso tse ileng tsa etsetsoa batšoaruoa Litsing tsa Tlhabollo ea Batšoaruoa. Komisi ena e ntse e tsoelapele, ka hona bohle ba hlokang ho fana ka bopaki ba ntse ba bo beha. E mong oa batšoaruoa bopaking ba hae o hlalositse hore bahlanka ba sebetsang litsing ba ba joetsitse sefahla-mahlo hore komisi eo mohla e qetang mosebetsing ho tlo nkha ho sa bola. Hape ba tsebe hore boteng ba eona ha bo hlakole melato ea motho le hanyane feela, motho o ntse a lefella molato oa hae hofihlela nako ea hae e felile.

Motšoaruoa enoa ha phetha bophelo boo ba bo phelisoang ka moo, 'mali a ka seka meokho hobane ha se ntho eo motho a ka e lakaletsang leha e se e le sera sa hae. Joale haeba ba se ntse ba sotloa ka nako ee ebe kamor'a hore komisi e phethele tšebetso ho tlo ba joang? Boipotso bo boholo ke hore na ba faneng ba bopaki ekaba bophelo ba bona ha bo tsietsing le ho feta? Taba ena e hloka ho eloa hloko hobane e ka et-sahala, eaba litlhokofatso tse tlang kamorao li feta tsa pele; palo ea bafu e ka eketseha. Ka hona hang kamor'a hore komisi e qete ts'ebetso ho lokela ho etsoe se tla sireletsa batšoaruoa haholo ba hlalileng kapel'a eona.

Lihoai tsa liphoofole haholo likhutšoane li iphelisa ka ho rekisa boea 'moho le linku, joale ha e le moo sekiri ho bonahala e le bothata ba nako e telele ho lebeletsoe hore li iphelise joang? Nakong ea ho kuta ha e fihla ba lokela ho nka maeto a malelele 'me taba eo e ama boleng ba boea hobane linku li tsamaea nako e telele, e boetse hape e thefula leruo kaha tse ling li shoella tseleng. Ho sa le joalo tlaleho e boela e bontša hore ho na le linku tse baloang ka mashome tse ileng tsa folotsa hona tseleng e eang sekiring. Ekaba ke kapele hakae 'muso ka lekala le ikarabellang o tla ahela lihoai sekiri?

Ke 'nete hore motho ntho ha e sa etsoe ke eena ha e-ea nepahala, polelo ena e mabapi le litaba tsa Moetapele oa Lekhotla la Kopano ea Sechaba(AD) ea bontšang a ile a ba le puisano le mokhethoa oa sebaka seo a neng a tlo se etela. O re har'a tseo ba ileng ba li shebisana ke libaka tseo ho ka etsoang fato-fato ho tsona 'me eo a ba fana ka liofisiri tse tla okamela morero. Hoa makatsa ho utloa eo a se a bua marang-rang hore moetapele ha mo rerisa letho ka litaba tseo, empa ho utloahala a supile a tla sitoa ho ba karolo ea seboka seo.

Ke hona sebokeng sena moo AD e tšepisitseng sechaba sa Malibamatšo lintlafatso, tseo e leng ntšetsopele ea seo moetapele a ileng a se etsa. Potso ke hore na ebe mokhethoa o na le lerato la sechaba sa habo ha e le moo eka o ema pele lintlafatso? Kapa mohlomong kaha joale o sitiloe ho li etsa o utloile bohloko hore motho e mong oa li etsa, e leng se tla mo hlalisa hampe sechabeng? Baetapele ba lipolotiki ba itlametseng ho sebeletsa sechaba ba bonahala boholo ba se na thahasello e kaalo mabapi le litlhoko tsa sechaba.



Nthabeleng Seithleko

Mokhatlo oa Naka La Mohlomi ka kopanelo le Bascha Shutdown o ntšitse polelo e khotahetsang Lekhotla la Sechaba ho kenya Tlhopho-Bocha tšebetsong molemong oa naha, ka la 30 Motšeanong monongoaha.

Polelo ena e supa hore boemeli ba Makhotla ea Lipolotiki, litsi le Mekhatlo ea Sechaba e ikemetseng haholo bao e neng e le litho tsa Lekhotla la Tlhopho-Bocha ba se le bale hore mosebetsi oo ba ileng ba nka kano ka ona o setse lepala-paleng.

Ba hopotsa litho tsa Lekhotla la Sechaba hore tšebetso e boetse e khutletse matsohong a bona, ka hona ba kopa ba tlase sekhobo sa nako e telele sa hore

Basotho ke sechaba se tsebang ho qala lintho e be ha ho bophethahatsi ho etsang hore naha phete liphoso tse tšoanang.

Ba re lekhetlong lena ba tšepisa ho ba seli le ho atamela mosebetsi ka matla ba ipopile ngatana 'ngoe, hobane Tlhopho-Bocha e fumana tšebetso ea linaha le tsa Mekhatlo ea SADC, EU le UNDP, moo Afrika Boroa ka kotloloho e sebelitseng e le Mokena-lipakeng.

Ba kopa ke hona hore litsi

tsohle le Mekhatlo ea Sechaba e Ikemetseng e neng e rometse boemeli kahar'a Tlhopho-Bocha ho hopola sepheo sa ho ba karolo.

Puisanong le Mothehi oa Mokhatlo oa Naka la Mohlomi Moorosi Moshoeshe, o hlalositse ba qhololitse ke hore e se e le selemo sa bobeli joale paramente e ne e etse boitlamo ba ho fetisa Tlhopho-Bocha, e se e tlo ba khoeli joale Letona la Toka le Molao Mohlomphehi Richard Ramoetsi a ne a e teke kapel'a paramente empa ho sa bonahala ho sisinyeha letho le amanang le eona.

O re puso e teng ha joale e bapala ka sechaba, e se roka mahloan'a naketsana kaha puo tsa Tona-Kholo Samuel Ntsokoane Matekane e le tse tšepisang hore Tlhopho-Bocha e tla feta empa ho se joalo. O re bothata bo boholo ke hore e tlo amoha bapolutiki matla a ho laola lichelete kapa litsi tse itseng.

O supile ba tla sututsa 'muso ho fihlela o etsa se nepahetseng kaha ba bona hore ba tšaba lipheto, ba bile ba hulanya maoto hoo paramente e ka 'nang ea qetella e-ea phomolong ea Mariha e sa fetisa Tlhopho-Bocha.

H'a phethela o itse bothata ke hore puso ena e potlaketse ho kenya tšebetso litaba tse shebahalang mahlong a sechaba hobane ba hloka ho babatsoa ba lahlele boikarabello ba ho ntlafata sechaba e leng se siang naha tlakotsing.



Contacts: +266 28350 466 / 6260 0983 (Whats app)
Email: moeletsioabasotho@gmail.com

MOELETSI oa BASOTHO
A LOKISETSE MORENA SECHABA SE PHETHILENG (LUKE 1:17)

Editorial

Lesoetsa Rakubutu (Editor)
(+266) 58490670 / 62031949
editor@moeletsioabasotho.co.ls

Lehlohonolo Mohale (Sub-editor)
(+266) 58 771 507 / 62 771 507
subeditor@moeletsioabasotho.co.ls

Advertising

Thabo Lesaoana
(+266) 28 350 466/ sales@moeletsioabasotho.co.ls

Newsroom

Nthabeleng Seithleko 57 665 038/ 68 216 721
nthabeleng.seithleko@moeletsioabasotho.co.ls

Tšelisio Thakholi (Sports) 58 540 853/ 63 480 404
tselisio.thakholi@moeletsioabasotho.co.ls

newsroom@moeletsioabasotho.co.ls

Production Desk

'Mateele Liqa, Sr. Canicia Nthunya

Bosieo ba sesole meeling

Nthabeleng Seitlheko

Bosieo ba masole meeling ea naha ena bo butse phenyenyekaha naha e ntse e kepeleha hanyane ka hanyane, ka hona taba ena e tlameha ho hlahlojoa bocha. Tsena li boletsoe ke Moetapele oa Basotho Covenant Movement (BCM) Dr. Tšepo Lipholo, tulong ea paramente ea la 28 Motšeanong monongoaha.

A re ho lokela ho hlahlojoe bocha meeli ea Naha ea Lesotho hobane ho bonahala ho ntse ho kenakenanoa le eona, kaha esale e le lehlatsipa le ntseeng le fokotsoa ka 'mapa ka makhetlo a robeli le a robong. A re lekhetlo lena leo re leng ho lona ke la borobong ka hona ho shejoe hore na e ntse e le 30.420 square kilometre joalokaha e ne e tekeneloe

ka selemo sa 1885 hoesa ka 'mapa oa Batlokoa, Bataung le Makhoakhoa

A re ka bochabela mohlooli o hlaha Thaba-Lethuoela ho leba Newcastle ho ea nokeng e lebang lihlabeng tsa Quthing, ha ba fihla Qoaqoa naha e ne e sa koaloa ka hona o kopa hore ho ke ho hlahojoe meeli.

Mokhethoa oa Makhaleng Mootsi Lehata o tlatsetse taba ena a ba a thatisetsa ka ho re letona le amehang le e hlahlobisise kaha e le ea bohlokoa, ebile ho na le batho ba lefelloang ho lebelameeli, ka hona tseko e etsoa Lekhotleng la Machaba a Kopaneng (UN). A re ke nako ea bohlokoa ena ea hore naha e khutle kaha Afrika-Boroa e na le leano le reng mafatše a khutlele ho beng ba ona.

Dr. Monyane Moleleki o botsitse hore na matla a neng a hlaha 'mapa a ne a nkoa kae ka hona a eletsa hore ho khutleloe molaong oa motheho, ho



sebetsoe taba ena kaha e le khale e buisanoa. A ipiletsa hore ho thehoe komiti ea paramente e tla sebetsana le eona ka kololoho.

Adv. Lekhetho Rakuoane o itse o thabetse taba ena haholo kaha e buoa Naha ea Lesotho e keteka lilemo tse 200,

sechaba sa Basotho se ne se theoe. A re Basotho ba lokela ho itseba hore na ba hlaha hokae ka hona taba ea meeli e ntseng e ritsa ekaba ka lebaka la tlhohleho kapa kaboomo e tlameha ho shejoa hantle.

Mokhethoa oa Koro-Koro Sello Hakane o itse taba e ntle ha ho hlokomelaha

hore ho na le moo ho nang le liphoso etsoe le hara metse ho na le hore sechaba se qabane se tseka meeli le marena. A re ha oa nepahala hore Lesotho le ka tseka meeli ho se moo le eang ka eona, taba ena e lokela ho atameloa ka hlokolosi e se re ra tšoantšoa le Naha ea Ukraine.

Nthabeleng Seitlheko

Ea tšoereng molepo e le Mongoli e Moholo Lekaleng la Khiri le Bosebetsi, Lehlohonolo Ndumo, o re lekala la habo le tlo eketsa palo ea bahlahlobi mesebetsing. Tsena li hlaleletse tulong ea Komiti ea Moruo le e shebaneng le ho bona hore naha e kena tšebetsong le lipehelo tsa ntlafatso ea moshoelella (SDGs), ka la 27 Motšeanong monongoaha.

O re sena ba se etsa ho bona hore basebetsi ba sebetsa libakeng tse bolokehileng, ho qoba mafu a hlahelang basebetsi le ho bona hore beng ba mesebetsi ba latela lipehelo tsa lekala. A re takatso ea bona ke hore naha e matlafale litabeng tsa basebetsi e hlomphe le litokelo tsa mantlha tsa sechaba.

O re ba se ba tlo thusa batho ho fumana mesebetsi ka ntle ho naha ho baleha hara tse ling tlho-

Lekala le eketsa palo

kahalo ea mesebetsi le ho isa litsebo tsa Basotho linaheng tse ling, hape ba se ba tla haola le metse e fapakaneng ho fana ka thuto sechabeng litabeng tsa polokeho mesebetsing.

A re hara tseo ba tlo li kenya tšebetsong ke kabo ea litaba tsa toka meseb-

etsing, ka hore litaba tsohle tse amang basebetsi li tšoane, ho be le tumellano tse akaretsang tsa mohiri le lekala tsa nako e telele hore batho hohle mesebetsing ba sireletsoe.

O tsoetsepele hore Lekhotla le rarollang likhang tsa Basebetsi (DDPR) le

tlo matlafatsoa ka basebetsi hore linyeoe li sebetsoe kapele molemong oa ho rarolla mathata mesebetsing. O re taba ena e tla ba qobisa linyeoe tse liehang ho buoa tse amang litokelo tsa sechaba.

Mongoli-Kakaretso oa Mokhatlo oa CMQ Robert

Likhang, o itse litaba tsa basebetsi li ka tsamaea hantle ha lekala le ka tšepahalla basebetsi le ho rarolla likhang tsa mohiri le mohiruo ka nako ba sa shebe seo motho a nang le sona. O re ba tobana le mathata a linyeoe tse lulang li phaelana lekhotleng le rarollang likhang tsa basebetsi hobane ho se basebetsi. A re 'muso ha o ntse o matlafatsa mafapha a mang ho bohlokoa lekala le se sale hobane le sebeletsa sechaba se sengata se nang le litlhoko tse fapakaneng.

Molula-Setulo oa Komiti ea Moruo le ntlafatso ea moshoelella Itumeleng Rantšo, o supile hore komiti ea habo e ntse e bokella tšebetso ea makala le ho fuputsa hore ke ka tsela efe ba tlo kenya lipehelo tsa moshoelella tšebetsong le lipehelo tsa mongoaha kholo (2063 agenda) ho thusa hore Naha ea Lesotho e se salle morao. A re tlaleho ena e ba thusa ho etsa tšalo morao mabapi le tšebetso ea makala.



O ikhantša ka mekotla

Tšeliso Thakholi

Kajeno Koranta e phura leshoetla le Mofumahali 'Mabohlokoa Maotsinyane, e le mohlahisi oa maemo a holimo a mefuta e fapakaneng ea mekotla kahar'a naha. Ke setho se matla sa Mokhatlo oa Bothoba-Pelo Foundation, e leng ona mokhatlo o ntseng o tsoelapele ho holisa le ho atlehisa khoebo ea hae.

Ak'u re qoqele tsa leeto la hau hofihlela mona moo u leng teng.

Ke qalile ho roka ke khahloa ke molekane oa ka selemo sa 2019, 'me ka qala ka ho roka mokotlana oa litlolo. Ka selemo sa 2020 ra qala ho roka mekotlana ea lipapali, empa ka selemo se hlahlamang ka qala ho rokela ngoan'a ngoan'eso mokotlana oa sekolo. Eaba ke ho qaleha ha leeto la rona la mosebetsi oa ho roka. Mokotlana oo oa pele o ne o se motle haholo, empa ngoana eena o ne a o thabetse haholo ebile o le thata hoba o ile oa mo qhoba selemo kaofela.

Motho oa pele oa hore u mo rokele ke mang, e le ha u mo rokela'ng?

Ke ne ke rokele ntate Tšeliso Litšiba mokotla o motle ona o tšelang liphahlo ha motho a nka maeto.

Na u ithutile moroko, haeba ho joalo u ithutetse ona kae?

'Na le molekane oa ka eo ke sebetsang le eena ha rea ithuta moroko, hoba ke ile ka Botho University ka etsa lithuto tsa Health Information Management, eena a kena Sekolong se Seholo sa Sechaba (NUL) a fihla a etsa Economics Minor in Business Administration, empa re ile ra ikeletsa hore re se ke ra lula feela kaha ho bonahetse hore mosebetsi ke qaka e kholo kahar'a naha. Hantle ho roka ke talenta eo Morena Molimo a re fileng eona, 'me toro ea rona ke ho bula feme ha feela re ka fumana lithuso.

Ke mosebetsi ofe oo u ke keng oa u lebala ho eo u ileng oa e etsa?

Ke ha re kopanya mahla-kore ohle joale eba mokotla o feletse. O monate haholo hobane ke se ke ntse ke tseba hore joale re qetile re tlii'o fetisetse lihlahisoa



tsa rona 'marakeng, ebe re tseba ho fumana letho leo bana ba le jang katlung.

U ka re'ng ka mosebetsi oa hao?

'Na kannete ke itšepa ka thepa eo re e hlahisang hobane ke ea boemo bo holimo haholo. Ho fihlela ha-joale ha ho moreki ea seng a ile a fihla a lla kapa a sa khotsofalla thepa eo re e etsang. Thepa ea rona e ntle, e thata e bile ke ea boleng.

U boletse hore u sebetsa le molekane oa hao, ke'ng seo u se ratang haholo ka eena?

Ka thoko le hore ebe kea mo rata hobane ke monna oa ka, ke ntate ea utloisang, ea itellang mosebetsi oa rona. Kannete ha re etsa mosebetsi re behella tsohle ka thoko. O boetse o na le cheseho ea ho fihla moo re batlang ho fihla teng ka mosebetsi oa rona e leng ho

ba le feme ea mekotla.

U kopana joang le Bothoba-Pelo?

Ke setho sa mokhatlo ona 'me o bapetse karolo ea bohlokoa haholo khoebong ena ea rona. O ntse o tsoelapele ho re thoba lipelo le tlasa ona maemo ana a thata a tlhokahalo ea mesebetsi le boemo ba leholimo. O khotlaetsa basali hore ba ikopanye ba ithehele mesebetsi ea boipheliso. Mokhatlo ona ke o leboha ka tsela e khethehileng.

Keletso ea hao e ka ba efe ho bacha le basali?

Ke khotlaetsa hore bacha le basali ba tšoereng mangolo kapa ba se na ona ba se ke ba emela ho hiroa, ba iphelise ka sohle seo ba nang le sona. Litsebo tseo ba nang le tsona ba li sebelise bakeng sa boipheliso, ba fokotse haholo taba ena ea ho hiroa.



Bothoba-Pelo e hlahlella basali

Tšeliso Thakholi

Mokhatlo o shebaneng le ho thoba lipelo tsa bana, bacha le basali ba mahlatsipa a bofuma bo bakoang ke liphetoho tsa boemo ba leholimo oa Bothoba-Pelo Foundation, o bile moketjaneng oa ho tšoaea Letsatsi la Basali o bileng Ha Mohasoa, Qeme ka la 25 Motšeanong 2024. H'a hlalose tsa bacha le basali sepheo sa letsatsi leo, Mothehi e bile e le Molula-Setulo oa Bothoba-Pelo Foundation, Mofumahali 'Makatleho Letsie o itse 'moko-taba ke ho tla thoba lipelo tsa basali ba anngoeng ka mekhoha e fapakaneng ke boemo ba phetoho ea leholimo, bo qetellang bo tliša litlamorao tse bosula tsa tlhokahalo ea lijo le liqhobeshano tsa ka malapeng tse isang litlolong tsa molao.

A bontša hore bona e le mokhatlo maemong ana a hloabaetsang a tšala le bofuma le khatello ea maitutlo ea bacha le basali, bao ka linako tse ling ba iphumanang ba kena manyalong e se ka maikemisetso le ho etsa litlolo tsa molao, ba kenya letsoho le toma ho ba thoba lipelo. "Re tliš'o keteka 'm'e, 'me re na le bo-'m'e ba bangata bao e reng



ha ho thoe, 'Happy Mother's Day', ebe ba thaba. Ho na le bao e reng ha ho thoe 'Happy Mother's Day' e be ba hlabeha ho latela mathata le litsietsi tseo ba leng kahare ho tsona. Re tliš'o thoba lipelo tsa bo-'m'e ba joalo re re phephi." A rialo.

A hlokomelisa basali hore ba bohlokoa 'me kahar'a ona mathata ao ba nang le ona, Morena Molimo o na le morero ka bona. "Re na le mathata a fapakaneng ao re tliš'o a silila letsatsing la kajeno. Mahlomola a ea lokileng a mangata empa Molimo o mo ntša ho ona kaofela. 'M'e tseba hore bohlokong boo ba hao Molimo o na le

morero le boemong bona boo." O boletse joalo.

E mong oa mahlatsipa a tthekefeso, Mofumahali 'Mamakhethe Phomane o boletse basali hore ba filoe boemo boo ba leng ho bona ke Morena Molimo, 'me taba e kholo ke hore ba etsang ka bona. "Theola kobo 'm'e o itlame thekeng o sebetse." A rialo a bile a hlokomelisa basali ho emisa ho tšoara thipa ka bohalleng hobane e tla ba hlahisa kotsi, empa ba e tšoare joaloka basali ba matla ba bohlahe hobane bona ba bo filoe ke Morena Molimo. A re basali ba lula kahara maemo a bohloko ba ntse ba utloa

hore ho oa haneha, ka hona nako ea hore ba mamelle tthekefeso e felile hobane ha ba se ba le sieo bana ba tliš'o sala ba sotleha.

Setho sa Paramente sa Mokha oa BNP, Mofumahali 'Masetota Leshota o khothalelitse basali hore bophelong ba bona ba lokela ho etsa nalane, ka ho itšoarela ka matsoho. A ba tiisetsa hore ha ho tse fumanoang li tonositse, 'me ha ba batla ho fihlela katleho ba lokela ho sebetsa ka thata ho fihlela seo ba se batlang. "Ha re faseng litjale thekeng re kenyeng linala

mobung." W/PC 'Maretšelisitsoe 'Molaoa o ipilelitse ho basali ho emisa ho ba sitisa ho etsa mosebetsi oa bona ka ho koala linyeoe tsa tthekefeso tse etsoang ke banna ka malapeng hobane ba re ke bona ba sebetsang le ho phelisa malapa. "Bo-'m'e tlhelling ho re sitisa joalokaha e ka Morena Molimo o le timme matsoho. Molimo o re file matsoho ha re iketsetseng re tlohele ho etsetsoa." A re motho ka mong o na le khetho bophelong ba hae, etsoe seeta se chesa ea se roetseng.



Ntlo e lahlehetsoe

Nthabeleng Seitlheko

Marena a Sehlooho le Litho tsa Ntlo ea Senate li supile Morena oa Sehlooho oa Phamong, Mohale's Hoek Mofumahali Nthati Bereng a ne a le bohlahe, a rata mosebetsi oa hae haholo ka hona ba lahlehetsoe ke motho oa bohlokoa eo ho seng bonolo ho koaloa sekheo sa hae. Litaba tsena li hlabeletse nakong eo litho li neng li tšoare sehopotso sa hae ka la 28 Motšeanong monongoaha.

Morena oa Sehlooho oa Leribe Morena Joel Motšoenene o re o hotse le bona e le moholoane oa bona e le motho oa tumelo e matla Kerekeng e Katholike, ebile e le moikokobetsi

ea nang le boikemelo. A re o sebelelitse Naha ea Lesotho ka bokhabane joaloka mekhatlo e kang ICPA le e meng.

A re lefu la hae ke tahlehelo e kholo kahar'a Ntlo ea Senate kaha e ne e le

motho ea nang le lerato a nena tthekefeso a ithata le ho rata batho bohle 'moho le Naha ea Lesotho.

Mofumahali Maphakiso Lebona o itse mofu o ne a sa rate litšebo, a le bonolo a rata Ntat'ae. A re ba lahle-



hetsoe hobane o ne a qeta ho theha mokhatlo o tlo sebetsana le lefu la mofetše.

Morena oa Sehlooho oa Butha-Buthe Retšelisitsoe Mopeli, o tse mofu o tla hopoloa ka lerato le boithukhubetso tšebetsong, ho itlhompha le ho rata lintho tse ntle.

Mofumahali 'Makholu Moshoeshe o re mofu ke e mong oa Marena a Sehlooho a nang le lengolo la thuto e phahameng, ka hoo o ile a khetheloa maemong a fapakaneng kahar'a ntlo le paramenteng. A phethela ka ho re o ne a loanela litokelo tsa basali.

Morena oa Sehlooho o Thaba-Bosiu, Khoabane Theko o itse mofu o lahlehetsoe ke molekane a sa le monyenyanane empa a ithukhubetsa haholo ka mosebetsi oa hae hoo a ileng a khetheloa ho emela naha Pan African Parliament. A re o ne a ts'oara litaba ka matla a e-na le bo-tsebi litabeng tsa likhakanyo tsa lichelete, ka hona lelapa le lahlehetsoe ke motho oa bohlokoa.

Morena o Batlokoa Qetho Sekonyela, o itse ha qala

ho fihla senateng o rutiloe mosebetsi ke mofu, ka hona tahlehelo ena e amme pelo ea hae hobane o ne a mo tataisa linthong tse 'maloa.

Setho sa Ntlo Sehloho Monatsi o tšelisitse bo-'m'e le sechaba sa Phamong 'me tšepo ea hae ke hore o tla ba rapella moo a eang ha e le mona a hlokahe-tse nakong ena eo tšala e tjametseng naha.

Setho sa Ntlo 'Mamonika Letsie o re ba lokela ho leb-o-ha Molimo ka lefu lena hobane eo o phomotse kaha a kutse ka nako e telele. O re o ne a e-na le chebelo-pele le bohlahe bo hlolang a e-na le boikokobetso.

Morena oa Sehlooho oa Matšekheng Peete Lesaona Peete o hlalositse hore tahlehelo ena e mo sithabelitse haholo, leha ho le joalo o kutse nako e telele. A re o ne a rata khotso a hlohile liqabang.

Morena oa Sehlooho oa Phamong o hlokahe-tse ka la 22 Motšeanong kamor'a bokulo bo bolelele, o tla boloka ka la 1 Phupu monongoaha, Phamong, Mohale's Hoek.

Banna tšehetsang basali le banana

futa oa bokooa oo ba nang le ona. A tsoelapele ka ho re Letsatsi la Lefatše la Bohloeki le ba hopotsa makhabane a mosali le mo-roetsana ka lebaka leo ba

Nthabeleng Seitlheko

Moleboheng Mathosi, Mohokahanyi oa Mokhatlo oa Maleah Foundation, o re ho bohlokoa hore banna le bahlangana ba tšehetse basali le banana nakong eo ba leng linakong tsa bona hobane taba eo ke tholeho ha se boikhetheho. O bole-tse tsena, puisanong le Koranta ka la 29 Motšeanong monongoaha.

Mokhatlo oa habo o ketekile Letsatsi la Lefatše la bohloeki ba Basali le Banana nakong eo ba leng li nakong tsa bona, leo more-ro e leng ho tlosa sekhobo sa ho ba linakong ha basali. O re ba ruta banana hore na ba tšoare litaba tsa bona joang ha ba le linakong, 'me ba be motlotlo ka matsatsi a bona ba bue ka tsona ho mang kapa mang. A re ba hloka tšehetso ea bo-ntate e se ba tlepe litšeho.

A re ba ile ba etsa boithuto literekeng tsa Mokhotlong, Maseru le Mohale's Hoek, moo ba fumaneng hore bana ba banana ba bangata ba hloka mesangaoana ea boithuso nakong eo ba leng linakong tsa bona, e



'ngoe hape ke tlhokahalo ea metsi e tla thusa ho boloka bohloeki, ebile ba hlokometse hore ba lokela ho etela likolong khafetsa ho fana ka thuto.

Ha joale o re ba sitoa ho fihlela likolo tse 'maloa kapa ho thusa banana ka mesangaoana hobane ba sa qala. Leha ho le joalo a re ba se

ba atlehile ho fihlela banana ba ka holimo ho 1, 000, 'me ba ka thabela ho bona ba anetse naha ho fana thuto haholo bashanyaneng e le hore ba tšehetse banana.

Mookameli ebile e le Mothehi oa Stymo Foundation Lesotho, Stymo Oce-nea Kolo, o itse bona e le batho ba nang le bokooa ba

behelloa ka thoko nakong tsa liketekelo tse 'maloa, leha ba ea linakong joaloka basali bohle, hape e hlaha e le nyefolo ha mosali ea nang le bokooa a e-na le ngoana.

O re ba tšoenyeha haholo ke boemo bona hobane ba na le tokelo joaloka mang le mang ho sa natsoe mo-

lokela ho ithokomela ka ho sebelisa mesangoana ea bohloeki ho baleha mafu.

A re ke nako ea hore batho ba nang le matla ba phamolele litaba tsena holi-mo hore qetellong bana ba banana ba nang le bokooa ba ikutloe e le baroetsana joaloka ba bang 'moho le basali.

We can't be everything



Teboho Matjeka

According to a recent research a number of people presenting with stress and depression is increasing at an alarming rate. The question remains why, until we get to the root of the problem, finding solutions is just a wishful thinking. We need to face the reality now and deal with the truth as it is, even if it hurts but ultimately it will liberate us. The reality of our truth is that we need to be saved and liberated from ourselves, we are our biggest problem, most of the stress and de-

pression we experience is self-inflicted, we want to be everything for everyone and that puts us under so much pressure to perform miracles we taught we are capable of, our gratification now comes from pleasing others. The down side here is that we end up doing even things we don't like or those we can't afford. The sooner we accept and realise we can't be everything the better time to start with management of stress, that we need to be selfish about our happiness and well-being.

We are not capable of filling other people's cups if ours

are empty, let's learn to take care of the ourselves first before we try others. We can't give what we don't have. We should learn to set boundaries of what we can be for people but certainly not everything. If we are forever available we are going to lose our value, not just to others, even to self. Let us minimise as much as we can what we make people expect from us, it is very ok to admit when we can't afford to help them, we are not disappointing anyone, we simply don't have the budget for it. We have to remember that we can't be everything to/for everyone.

Moeletsi oa Basotho
MOGIGISI OS BASOTHO



 @oaBasotho
 WhatsApp +266 680 78 124
 Moeletsi oa Basotho

To advertise with us, please contact:
Tell: (+266) 2835 0466
Email: adverts@moeletsiobasotho@gmail.com

1
Sesotho Newspaper in Lesotho

Bookameli bo tšosa batšoaruo



Nthabeleng Seitlheko

Ba bang ba batšoaruo ba ileng ba khakhatoa ke bahlanka ba Litsi tsa Tlhabollo ea Batšoaruo ba re ba phela ka Molimo fela sebakeng seo, ba se ba phethahatsa taelo ea Makhotla a Molao. Tsena li boletsoe ke e mong oa batšoaruo ea neng a fana ka bopaki kapel'a komisi, ka la 28 Motšeanong monongoaha.

O re ha ba fihla sebakeng seo ha hona le tokelo eo motho a e balloang, seo a se hlalositsoang ke hore ba hlomphe marena e leng

seo ba sa se lebaleng. A re lilemong tsena tse supileng tseo a phetseng ka letsoalo ka tsona h'a tsebe tlhomphe kaha ba ba tsamaisa ka tšabo. A re liofisiri tse sebet-sang sebakeng sena li hloka botho le ha e se bohle, kaha ba hlapaola 'moho le ba baholo ho bona.

A re masole le mapolesa a koaletsoeng ka setsing a tingoa monyetla oa ho bua le baeti ba bona joaloka ba bang le ho boloka libukana tsa bona tsa ngaka ho bona.

O re o ithutile hore ofisiri e 'ngoe le e 'ngoe e nang le matla e etsa seo e se ratang, kaha ha ho hlahlojoa ka litsing ho thoe ba kotsomale e leng kotlo hobane motho ha phuthulohe 'me ea se nang matla le metsotso e 'meli a

ke ke a e qeta.

Nthatakane o boletsetse komisi hore ba se ba phela tlasa litšosa hobane ba ile ba bolelloa ke bookameli hore komisi ha e tsamaea ba tl'o sala le bona, kaha boteng ba eona bo sa hla-kole melato ea motho.

H'a phetha tsa khakhathe ea hae, o re ha ba ntse ba lutse ka setsing seo ba koalooang ho sona, ba ile ba utloa motho ea llang ka ho se seng se mabapi (Block C) empa ba ile ba sitoa ho tsoa hobane ba ne ba se ba koaletsoe. A re ke hona moo ba ileng ba utloa motho a oloa, 'me sena se etsahetse ho fihlela nomorong ea 54.

O re ho ile ha kena bahlanka ba ka bang 10, ba ba hlapaola ka mahlapa a tala, ba re ba tšoare lebota empa ntle le hore ba hlahlojoe. O re ba ile ba mo kakata hoo a ileng a utloa bohloko hloohong.

O re o ne a tletse mali sefahlehong e mong a mo tšela ka metsi a re a hlatsoe mali empa a hana. O re o ile a ea ka ngakeng moo a ileng a fumana Sebilo a kobisitse hlooho a tabohetsoe, Captain Nyakane a le holima setulo sa bakuli le batšoaruo ba bang.

A re kamor'a ho hlahlojoa ke ngaka o ile a fetisetsoa Sepetleleng Makoanyane moo a ileng a rokoa leqeba le hloohong, le ho pechoa. O re o ne a e-na le bohloko qholong le letsohong le letona le litsebe li ne li koalehile li etsa lerata ha motho

a bua, hobane a ile arahoa ka lieta sefahlehong.

Bahlanka ba setsi sa tlhabollo ea batšoaruo ba Nthatakane a reng o ile a ba bona ke Thetso Posholi, Thabiso Jane, Refiloe Mthae, ba ileng ba fuoa monyetla oa ho botsa motšoaruo enoa lipotso ho latela bopaki ba hae.

Ka lehlakoreng le leng ea faneng ka bopaki e le motšoaruo Staff Sergeant Malefane Heqoa, o hlalositse hore nakong eo ba neng ba koaletsoe ka setsing bahlanka ba ne ba hlahela ka lesoba la monyako ba roahakana le ho mo supa ka monoana, kaha a ne a lutse holima nkho a ntse a bala buka, ha ba bang ba ntse ba bapala moraba-raba.

O re ka letsatsi leo ba ile ba buleloa ke Correctional Officer Kheleli monyako ha kena bakoetlisuoa ba bahlanka ba Litsi tsa Tlhabollo ea Batšoaruo ka bongata, ba ileng ba ba ts'oarisa mabota. A re kaha a ne a momme thupa e hlohlotsang meno ba mo ts'elisitse eona ba se ntse ba mo khakhathe, ka lithupa tsa mafielo le 'mopo, melami ba bile ba mo raha le ka lieta.

O re ketsahalang ena o bone bakoetlisuoa Sekokotoana, Mahao, Motiki Mohale le Sepiriti Malefane ea sa mo isang letsoho. O re ba ile ba mo laela ho nka nkho ea lieta le libuka 'me ba mo suthumetsa tsa qhalanela fatše, eaba ba hlahloba thepa ea hae a phahamitse

matsoho a kotsometse hofihlela a feloa ke matla a ho phahamisa matsoho.

O re Mokiti Mohale o ne a nkile koto ka letsoho le letšehali eaba o mo pota kamorao a otlala ka eona kho-pong a ba a feloa ke moea, ha e mong a ne a nkile topo e nang le tšepe a e tšoare ka matsoho a mabeli a mo otlala mahetla, sena se 'maketse maqeba matsohong, metopa ka mahetleng le kamorao.

O re o ile a elelloa motšoaruo Sefako ea neng a otliloe thekeng ho ea litonong e ka o chele, ha e le Mosiuoa Matete eena eka o na lutse holima paola, a sa tsebe ho tsamaea. O ile a elelloa motšoaruo e mong ea neng a akhehile a se ke a fumantšoa thuso, ha Sebilo Sebilo a ne a lemetse haholo a tsoa mali hohle ha Marasi 'Moleli a ne a tsoa mali hloohong.



Rapapa o tšepisa Malibamatšo

Nthabeleng Seitlheko

Moetapele oa Lekhotla la Kopano ea Sechaba, (AD) Prof. Ntoi Rapapa, o re tšepisitse batho ba Lebatooa la Maliba-Matšo hore litsela li tla etsoa, motlakase 'moho le khaho ea likolo. Tsena li hlahetse Sebakeng sa Komiti e kholo se neng se le Malibamatšo NO.6 ka la 26 Motšeanong monongoaha.

O itse e 'ngoe ea liqeto tse entsoeng Lekhotleng la Matona moo e leng karolo, ke hore moo Maliba-Matšo lit-sela li loke, 'me eena joaloka kaha a ile a etsa khahlametso pejana o tla boela a tsoelapele ka ho eketsa lintlafatso.

A hoelehetsa bohle hore lekhotla leo ke la bohle, ka

hona ba na le tokelo ea ho bua le moetapele ha e le litho tsa lekhotla. A re ka selemo sa 2027 motho leha a sa hlola likhetho empa a e-na le lipalo o tla kena ka khekhetane eseng ho kene baetapele pele.

A re ka selemo sa 2022 sechaba sa Maliba-Matšo se ile sa ba sheba ka mohau sa ba khethela mokhethoa oa bona eo ba mo ratang, ba boela ba khetha bakhethoa ba puso ea libaka ngoahola, ka hona lintlha tseo kaofela li ke ke tsa lebaloa ke lekhotla.

A re Komiti e Kholo e ile ea lula ea nka qeto hore ho be le seboka moo pele Mar- iha a bata haholo, ka hona o ile a tsebisa mokhethoa oa bona ka la 11 Motšeanong ka mongolo hore ho tla ba le seboka moo, 'me o ile a amohela a mpa a khathatsoa matla ha a fumana melatsoa ea marang-rang hore h'a rerisoa. Leha ho le joalo o re pele ho litaba tseo o ile

a ba le liphuthetho le eena moo ba ileng ba e-ba le tumellano ea hore ho chechiso seboka hobane o hloka ho itukisa, empa qetellong

a hlalosa a ke ke ea e-ba karolo ea sona.

A re libekeng tse fetileng ba ile ba buisana ka libaka tseo ho ka etsoang lifato-fa-

to ho tsona 'me o ile a fana ka sebaka sa Ha Sephapho hara tse ling 'moho le liofisiri tse 15 tse ka okamelang tšebetso eo. Ka hona o kopa tšoarelo haeba ho na le moo a fositseng etsoe motho o bopeletsoe le liphoso.



Nthabeleng Seithleko

Lihoai li nonyetsoa ke sekiri

Mokhethoa oa Lebakeng Letsekang Moloi, o re sechaba sa habo se ntse se le maqakabetsing a ho shoe-loa ke liphoofole ka lebaka la bohole ba likiri. O boletse tsena puisanong le Koranta, ka la 27 Motšeanong monon-goaha.

O re taba ena e ama tlhahiso ea boea hobane li fihla sekiring li khathetse le tsona li shoella tseleng. O re ho ea ka tlaleho eo a ileng a e fumanana ngoahola ke linku tse 5 tse ileng tsa folotsa tseleng. O itse sena se nyahamisa lihoai kaha ho sa ame feela bophelo ba liphoofole le ba bona hobane moruo oa thefuleha, ho feta moo le bosholu bo mphile matla.

O re sechaba sa Melikane le Ha Faso khohlong se nka letsatsi lohle ho ea kuta sekiring sa Tsoelike, esale ba tšepisoa khaho ea sekiri se neng se il'oa ba motseng oa Thuoeleng seo ba fumaneng hore ba ikarabellang ba ile ba ikhethela ho se aha Leribe.

H'a phethela o ipilelitse ho 'Muso oa Lesotho ho kenyeletsa khaho ea sekiri sena lethathamong la likiri tse tla ahoa hobane seo se tla thusa hore sechaba sa habo se phele ka boiketlo.

Mongoli e Moholo Lekaleng la Temo le Kanetso ea Lijo, Moshe Mosase o supile hore le hoja Morero oa WAMPP o ile oa aha likiri tse 'maloa kahara naha, lihoai li teng tse ntseng li nka maeto a malelele ho ea likiring e leng ntho e boima eo ba ntseng ba leka ho sebetsana le eona, ka hona ba tla bona hore ba ntlafatsa khaho ea likiri tse

ileng tsa salla morao.

A tsoelapele ho re tšebet-song ea bona ha ba khothaletse boea ba lihoai ho petetsana ke ka hoo ba lulang

ba kenyeletsa likiri tse ikemetseng tsa Basotho 'me moo ho ahoang sekiri ho silanoa sebaka. A re ba rata ho bona ho ntlafatsoa tlhahi-

so ea boea ba lipoli kaha e le bona tlhoko e kholo mebarakeng ea lefatše.

A re lekala la habo le rata ho arabela litlhoko tsa sech-

aba 'me ba leka ka hohle ho bona hore manyolo a fumaneha ka nako libakeng tse lokelang, molemong oa ho matlafatsa temo.



Mazenod PRINTING WORKS (Pty) Ltd
Prepare good People for The Lord

Creativity Regarding Your Mental Entity

Our Service:
 Designing services
 Printing services
 Binding & Repairing
 Lamination
 Publishing

Repairing
Perforation
Binding
Books
Book Trimming
Invoice & Receipt books
Published Books


+266 22 350 815
demazenodprinting@gmail.com



MOB KIDDS EDUTAINMENT

WINTER WEATHER

Winter Crossword Puzzle




Down:

- 1. A large piece of woolen or similar material used as a covering on a bed or elsewhere for warmth.
- 2. The twelfth month of the year in the northern hemisphere usually considered the first month of winter.
- 3. Burning
- 7. A severe snowstorm with high winds.
- 9. Shake slightly and uncontrollably as a result of being cold.
- 10. Make or become liquefied by heat.

Across:

- 4. A covering for the hand-worn for protection against cold or dirt and typically having separate parts for each finger and the thumb.
- 5. A vertical channel or pipe which conducts smoke and combustion gases up from a fire or furnace and typically through the roof of a building.
- 6. A large floating mass of ice detached from glacier or ice sheet and carried out to sea.
- 8. (of an animal or plant) spend the winter in dormant state.
- 11. An outer garment extending either to the waist or the hips typically having sleeves and a fastening down the front.
- 12. Wood that is burnt as fuel.



TSA KEREKE

St. Emile e'a keteka

Tšeliso Thakholi

Moarekabishopo oa Tikoloho e Kholo ea Maseru, Mobabatsehi Tlali Gerard Lerotholi OMI o ipilelitse ho bakriste ba St. Emile ho khutlela litloaelong tsa bona tse ntle le methohong ea 'nete e leng Ntate, le Mora le Moea o Halalelang. O buile tsena khothatsong ea hae moketeng o moholo oa Emile ea Halalelang o bileng 'mishoneng oa St. Emile, Khubetsoana ka la 26 Motšeanong 2024.

O boletse hore tumelo ea rona e itšetlehile ka methoho e sa sisinyeheng e leng Molimo a inotši empa e le Ntate, le Mora le Moea o

methoho e sa sisinyeheng e leng Boraro bo Halalelang. "Matšoa a Kereke ea rona ke bonngoe, khalalelo, boapostolike le bokatholike, 'me litaba tsena li tsoa hona methohong e sa sisinyeheng, e leng Ntate, Mora le Moea o Halalelang." A rialo.

A re tšebeletso efe kapa efe eo mokriste a e etsang o lokela ho qala ka pontšo ea sefapano e leng Ntate, le Mora le Moea o Halalelang. A tiisa hore pontšo ea sefapano ke thapelo e khutšoanyane e akaretsang lintho tsohle. "Emile Mohalaleli eo re ipitsang ka eena a re rapelle, Bo-ntate Gerard ea Lehlohonolo ke bona ba tlisitseng tumelo ena ea

Ke Mobabatsehi eo.

Morena Hlathe Majara o itse bakriste ba lokela ho ba le mohau le lerato empa motho o lokela ho ithata pele, 'me lerato lona leo o tla tseba ho le fa ba bang ha bonolo, "hobane u ke ke oa fana ka ntho eo u se nang eona." A re thuto eo ba e fumaneng ho Mobabatsehi ba e thuisse e sebetse ka ho bona. A kopa bakriste ho bulela Morena Molimo lipelo, 'me a itšebelisetse tsona e seng bona ba li sebelise.

A khalema bakriste ka matla ho felisa lehloeo. A etsa kopo e khethehileng ho balisa ba Kereke hore kamehla kahar'a thuto ka 'ngoe ea Sontaha ka seng, ba ke ba fetise molaetsa ona oa ho felisa lehloeo. "Ha re lumelle hore Kereke e re fetole, hoba mosebetsi oa eona ke ho fetola motho ho mo tlosa bobeng ho ea botleng." O boletse joalo a bile a phethela ka ho ipiletsa ho bakriste ho ruta bana ho rapela le ho ba ho lisetsa tšabong le leratong la Morena Molimo.

Motsamaisi oa Setsi sa Lithupelo sa Maria 'Mabaso, Fr. Clement Tampane OMI o lebohile boteng ba Mobabatsehi le mosebetsi o moholo oa ho hloholofatsa lejoe la Kereke ea St. Emile. A re mosebetsi oo o tšoa ea lilemo tse 40 Setsi se thehiloe ka ho hloa matšoa a bonahalang a Kereke. A leboha le bohle ba kentseng letsoho katlehisong ea mokete ona.



Halalelang. A re bonngoe ba Kereke ea Morena Molimo bo boetse bo itšetlehile ka

hore Molimo o mong feela o iponahalitse e le Ntate, le Mora le Moea o Halalelang."



2023-2024 SELEMO B MOKETE-MOLIMO

EXODA 24,3-8

Pesalema 115

Ba-Heberu 9,11-15

Mareka 14,12-16.22-26

Khothatso



Tšepiso ea lefa le sa boleng

Moreno o Mokete-Molimo ke sehopotso sa hore Jesu Kriste o ile a tela bophelo ba hae molemong oa pholoho ea rona hape ke sehopotso sa taelo ea hae hore re keteke Sakramente e Halalelang haholo ea Aletare. Joalokaha le utloa Evangeling hore eitse ha ba le lijong Kriste o ile a nka bohobe a leboha, a bo ngoatha a bo neha barutuo a hae, 'me a re ho bona; "Nkang le je hona ke 'mele oa ka." (Matheus 26:26), eaba o nka senoelo a leboha a se neha barutuo a hae a re; "Hona ke senoelo sa mali a ka a selekane se secha, sa bosafeleng a tla tšolloa ka lebaka la ba bangata tšoarelong ea libe." (Matheus 26:28)

H'a ntse a le lefatšeng Kriste o ile a bolela hore "Ke 'na bohobe bo theohileng leholimong, mang le mang ea bo jang o tla ba le bophelo bosafeleng; 'me bohobe boo ke tla fana ka bona ke 'mele oa ka." (Joannes 6:51) Krsite o boela a hlalosa hore "kanete-nete ke re ho lona ea sa jeng nama ea Mor'a Motho, a bile a sa noe mali a hae a ke ke a ba le bophelo. Bohle ba jang nama ea ka ba bile ba e-noa mali a ka ba tla ba le bophelo bosafeleng, ke tla ba tsosa ka letsatsi la bofelo hobane 'mele oa ka ke sejo sa 'nete le mali a ka ke seno sa 'nete." (Joannes 6:53-6)

E mong a ka ithetsa ka hore o amohetse Sakramente ea Tihatsuo ka hona o tla pholoha kapa tumelo ea ha ea hae ho Kriste e lekane. Ntle le hore le amohela 'Mele le Mali a Kriste ha ho pholoho hobane ho tsoaloe la bobeli, ho shoa le ho tsoha le Kriste ha ho thuse hakaalo; moea ha o na bophelo ntle le 'Mele le Mali a Kriste.

Pholoho ea motho ha e-ea itsetleha holimo ntho e le 'ngoe joaloka tumelo, Sakramente ea Tihatsuo, Pako le Eukariste. Lintho tsena tsohle kaofela li sebetsa 'moho hore motho a fumane pholoho; ho ba le kabelo lefeng la bahalaleli leseling.

Morena Jesu Kriste nakong eo a neng a fana ka Moea o Halalelang lipelong tsa rona ha re hlatsua, e ne e le setempe sa pele se isang pholohong ea rona. Ka hona haeba re sa tsamae tumelong ea rona ka ho amohela Bohobe ba Bophelo letsatsi le letsatsi, ho se latele thuto ea Kriste re ka se fumane setempe sa ho qetela.

Mpho ea pholoho e tla ka Kriste feela e se motho e mong, ka hona ha re hana ho amohela Sakramente ea Eukariste ekaba tšepo ea hore re tla pholoha re tla e nka hokae? Batho ba Testamente ea Khale ba ile ba fumana Melao ea Selekane ka Moshe, ka mali le lihlabelo tse etsoang ka liphoholo ba ile ba tšoareloa libe. Empa lihlabelo tsena li ne li sa phethehale kaha li ne li hloka ho phethoa khafetsa.

Joale ka Selekane se Secha sa grasía tse thehiloeng holima Kriste, sehlabelo se phethehileng sa 'Mele le Mali a Kriste tse tsoile molemong oa tšoarelo ea libe eaba re amohela pholoho e tsoang ho Molimo Ntate e neng e tšepiso bo-ntat'a rona ba Testament ea Khale.

Ka Sakramente ea Eukariste re ka amohela Tšepo e Halalelang ea hore kannete re tla pholoha, ka 'Mele le Mali a Kriste re fumana matla a ho mamela tsohle tsa lefatše leo re tsebang hantle hore ha se habo rona. Ha re leboheng ke hona 'Mele le Mali a Kriste tse re fang pholoho, 'me re hopoleng hore ka ho li amohela kamehla re tla tšoana le Kriste ka sebele sa hae.

Bahalaleli har'a Beke

- 3 Phupjane Matthias Murumba
- 4 Phupjane Francis Caracciolo
- 5 Phupjane Boniface of Mainz
- 6 Phupjane Norbert
- 7 Phupjane Willibald
- 8 Phupjane Severinus

Ha ba selehe-Lebesa



O boletse joalo a bile a ba lakaletsa katleho le mahlohonolo hohle moo ba tla fumana mosebetsi teng. A re ka mehlala ea bona e metle ba tla bontša hore ba tsoa sehlopheng sa Linare

A re ho fihlela hajoale ha e-s'o be leseling la hore na likheo tsa bona li tliil'o koaloa ka bo mang, kaha mokoetlisi a e-s'o re letho. Leha ho le joalo a tiisa hore pele selemo se secha sa lipapali se qala o tla be a tseba hantle hore na likheo tseo li tliil'o koaloa ka bo mang. Potsong ea hore na meralo ea sehlopha sa Linare bakeng sa ho tla qala selemo se secha ke efe? O itse meralo ea bona ha e-ea fapakana haholo le eo ba ntseng ba e-na le eona selemo le selemo.

A re e ka holimo-limo ke hore ha selemo sa lipapali se fela ba iphumane ba le kahara lihlopha tse 'ne tse ka holimo lokong, kapa ba bile ba qetella ba kene litlholisanong tsa ho hapa Mohope oa Liki, etsoe se qetsetse khale haholo ho hapa Liki.

Sehlopha sa Linare se phethetse Liki se le mae-mong a bohano ka ho bapala lipapali 30, sa hloa tse 15 sa bapala ka ho lekana ho tse 10 sa lahleheloa ke tse hlano, sa bokella lintlha-kholo tse 55 selemo kaofela sa lipapali.

tsa sehlopha sa habo ha se hobane li le selehe, empa ke ho ba fa monyetla oa ho ntšetsa pele talenta ea bona lihlopheng tse ling, tseo ba tla ea ho tsona kaha bohlo ba bona ke libapali tse sa bapaleng kamehla ka lebaka la tlholisano e matla libakeng tseo ba lokelang ho bapala ho tsona kahar'a lebala.

Lebesa o buile tsena puisanong le Koranta kamor'a hore Sehlopha sa Linare se ntše phatlalatso mafelong a beke a tsoa feta, e bontšang e lokolotse ka lipuisano tse mofuthu libapali tse kang Michael Mireku, Thapelo Tale, Matete Seekane, Junior Phello Sephooana le Realeboha Rankhotha. A re Linare joaloka sehlopha se

seholo tlholisano e batla e le holimo ea libapali kahare ho lebala, 'me menyetla ea bona ea ho bapala e ne e fokola haholo.

"Taba ke hore ba lokolohere re se ke ra ema litalenta tsa bona pele, e le hore mohlomong moo ba tlang ho fumana mosebetsi teng lihlopheng tse ling ba tla atleha ho bapala khafetsa."

Tšeliso Thakholi

Raliphatlalatso oa Sehlopha sa Linare, Mofumahali 'Matlhohonolofatso 'Kony' Lebesa o re ho lokolloa ha libapali tse hlano

Phatšoane o hloa mekoalaba

Tšeliso Thakholi

Motlatsi oa moletsaphala ea hloahloa oa Mokhatlo o Tsamaisang Bolo ea Maoto Lesotho (LeFA), Monghali Souru Phatšoane o fumane tlolla ea ho ba boemong ba mokhahlelo oa bahale, bolong ea Tikoloho ea Afrika kamor'a ho khethoa ho tsamaisa papali ea bobeli ea makhaola-khang a Mohope oa CAF Champions League lipakeng tsa Al Ahly ea Egypt le ES Tunis ea Tunisia papaling e neng e tloa litlhase Lebaleng la Machaba la Cairo Naheng ea Egypt ka la 25 Motšeanong 2024.

Khalala ena ea Lesotho ha se lekhetlo la pele a khethoa ke botsamaisi ba lipapali ba Mokhatlo o Tsamaisang Papali ea Bolo ea Maoto Tikolohong ea Afrika (CAF), ka hona o se a eteletse pele litlholisano tse 'maloa tse kholo tsa tikoloho ena. Ke motlatsi oa

moletsaphala oa pele oa Naha ea Lesotho ea seng a qalile ho ngola nalane ka lebitso la hae le la naha ea habo har'a bathusi ba baletsaphala ba hloahloa ba Tikoloho ea Afrika.

Ke Mosotho oa pele oa ho tsamaisa papali ea ho qetela ea bolo ea maoto e kholo ka ho fetisisa Afrika, ha a ne a qala ho sebetsa le Monghali Victor Gomez oa Afrika Boroa ea seng a le phomolong le Zakhela Siwela ho makhaola-khang a African Cup of Nations ka selemo sa 2021.

Ka sona selemo se tšoanang a boela a ngola nalane ka ho ba molaola-papali oa pele oa Lesotho oa litlholisano tsa Li-Olympic Games tse neng li tšoaretsoe Tokyo Naheng ea Japan. Joalokaha e ka ha hoa lekana ea boela ea eba Mosotho oa pele ea ileng a khetheloa ho sebetsa litlholisanong tsa Mohope oa Lefatše oa FIFA tse neng li tšoaretsoe Naheng ea Qatar ka selemo sa 2022 moo Naha ea Argentina e neng e hape mohope oo lekhetlo la

boraro.

Lipapaling tsa Liki e Kholo ea Lesotho, hara lipapali tse ngata tseo a ileng a ip-

abola ho tsona ka mosebetsi oa hae o tsoileng matsoho ke papali e neng e le matla haholo ea mokhahlelo

oa bobeli e neng e le lipakeng tsa Matlama le Liphakoe Lebaleng la Bambatha, Maseru.



Swallows e hetla morao

Tšeliso Thakholi

Botsamaisi 'moho le batšehetsi ba sehlopha sa Swallows, ba bile le 'moka oa selemo le selemo, oo sepheo e neng e le ho fana ka litlaleho tsa tšebetso tsa mafapha a fapakaneng a sehlopha le ho etsa meralo bakeng sa ho holisa le ho ntlafatsa sehlopha selemong se secha sa lipapali. 'Moka ona o bile Lebaleng la Swallows, Mazenod ka la 25 Motšeanong 2024.

Motlatsi oa President ea ikarabellang litabeng tsa tsamaiso, Monghali Lechaba Setjeo o supile hore sethathong ba qalile ba sebetsa hantle, empa ha selemo sa lipapali se haba ho kolumela ba ile ba khi-bela mona le mane ka lebaka la khaello ea lichelete kaha sehlopha se phela ka botšehetsi ba lichelete ho tsoa ho bafani le batsehetsi.

A etsa mohlala ka lipapali tsa Nedbank Top 8 moo sehlopha se sa kang sa sebetsa hantle, sesosa e ntse e le mathata a lichelete a ileng a etsa hore boitlhopho ba sehlopha bo se be botle. "Re ipiletsa ho bahoebi, bafani le beng ba sehlopha sena e leng batšehetsi ho etsa letsoho la monna ka ho ikhahlela tsa bona. Batho ba pele ba bohlokoa ke batšehetsi ke bona beng ba sehlopha ba lokelang ho bona hore sehlopha sa bona sea phela." A rialo.

H'a tsoelapele o supile hore meralo ea bona e le batsamaisi le batšehetsi ba sehlopha ke ho bona hore Lebaleng la Swallows le ba boemong boo le ka sebelisoang e le mokhoa o mong oa ho kenya chelete molemong oa sehlopha le ho bona hore sehlopha sena se khutlela lihlopheng tse kholo. "Sena se tla ba bobebe ha botšehetsi bo le teng kaha bo tla tsosa libapali morolo le matla a ho sebetsa ka thata ha ho na le litsiane tseo ba ntseng ba li fumana le haeba e se kamehla."

O ile a latola menyenyetisi e reng mokoetlisi oa sehlopha o tliil'o tsamaea ha selemo sa lipapali se qala, empa a re seo a se tsebang ke hore konteraka ea hae e tliil'o fela ka khoeli ea Phupjane 'me ke hona ba tla lula fatše le eena ho etsa litumellano tse ncha. A qetella ka ho supa hore mafelong a khoeli ea Phupjane Swallows e tliilo khetha komiti e ncha.



Ke hona 'moking ona moo Mohlomphehi Nthathi Moorosi a bileng teng, 'me a tšepisa hore o na le more-ro o moholo oa ho tla thusa sehlopha ho ntlafatsa lebaleng, 'me a kopa botsamaisi hore bo fane ka setšoantšo seo ba ka ratang ho bona lebaleng lena le le sona kaha o batla hore e be la boemo bo holimo.



"Bomalimabe ke hore habo rona e bapalloa matlong a thitelo ka lebaka la

E busetsa molamu

Tšeliso Thakholi

Sehlopha sa papali ea senuka sa Mokhahlelo oa First Division, sa Paramente se qalileng lipapali tsa leoto la bobeli ka sekahla se sehlo, se tliil'o thulanya thebe le sehlopha se kotsi se boemong ba bone lokong sa Ciscos, papaling e tlang ho bapalloa Sea-Point, Maseru mafelong ana a beke.

Lena e tla be e le lekhetlo la bobeli kamor'a hore lihlopha tsena li kopane mokhahlelong oa pele moo Ciscos e neng e teteke Paramente habohloko ka 23-7. Lihlopha tsena ha li boetse li kopana hape ka Sontaha e tliil'o ba papali e matla moo Paramente e tliil'o batla ho khutlisetsa molamu sefateng ka ho sasara Ciscos, ha Ciscos le eona ka ho tsoana e tla batla ho eketsa phafa.

Sehlopha sa Ciscos se batla se ntlafetse haholo kaha se qalile selemo sena sa lipapali se ntlafalitse sehlopha ka ho batla libapali tse nang le boiphihlelo papaling ea senuka. E tliil'o ba ntoa e mahlo mafubelu lipakeng tsa lihlopha tsena kaha bobeli bo iponahalitse hore boiphihlelo bo teng papaling ena. Le hoja ho ke ke ha eba bonolo haholo ho Paramente ho hapa papali kaha Ciscos e se e ntse e qalile ho iketsetsa lebitso la eona ho ipetlela tsela ea ho hapa liki monongoaha.



Papaling ena bahlankana ba tliil'o li soka ba li laola ho hapela lihlopha tsa habo bona tlhoho. Ea senang sekaja 'm'ae o tla tella motella ruri!

Ho ea ka e mong oa barati ba papali ea senuka, Tebello Ramonaheng o re na le tšepo e kholo ea hore sehlopha sa habo seo a se ratang haholo sa Ciscos ke sona se tliil'o ikhapela papali ena. O tiisa hore le hoja ba etela Paramente habo eona ba tliil'o e hlola habobebe kaha ba se ba ntse ba tseba mefokolo ea bona, empa a ba leqe ho e bolela ka le reng h'a batle ho phetlela mohatl'a nku masholu. A re ngongoreho ea hae e kholo ke ho bona palo e fokolang haholo ea basali papaling ena. A ba khotlaetsa ho

tla papaling ena ka bongata kaha e ntse e le papali joaloka tse ling, e bileng e tsamaisoang ka melao e boima haholo.

khaello ea mabala, empa seo ha se bolele hore batho ba itaola. Ba hlomphe le ho rata papali ea bona." Ke Ramonaheng eo.

